



UNIVERSITÄTS-  
BIBLIOTHEK  
PADERBORN

## **Legia Catholica**

**Roberti, Johannes**

**Leodii, 1633**

16. Martyres, Alijq[ue] Sancti.

---

[urn:nbn:de:hbz:466:1-64596](https://nbn-resolving.org/urn:nbn:de:hbz:466:1-64596)

16. *Martyres, Alijque  
Sancti.*

Tantum studium, Deum, Sanctosque colendi, quantum ex ijs apparet, quæ hactenus diximus, satis ostendit, Leodienses omni ævo Sanctos habuisse, imò Sanctos fuisse, eâ quidem natione, quâ Magnus Gentium Apostolus, *Sanctos* vocat omnes Christianos, & Catholicos. Sed quoniam vsus obtinuit, ut *Sanctos* quosdam dicamus excellentiore quodam intellectu, eos, quos vel hîc maiore sanctitate, supra Christianorû vulgus emicuisse; vel iam in cælo, cum Christo, sanctitatis omnis fonte, & authore regnare constat: age, etiam hos Leodiensî Ecclesiæ non defuisse. ostendamus: sed ostendamus

tantū , id est sine omni exaggeratione ponamus , ne caput hoc supra institutum nobis crescat.

APOSTOLOS vocari scimus, non eos modò , qui cum Christo, domestici vixerunt, aut qui mox ab eius in cælum ascensu, ijs, vel æquâ potestate, aut vt supparet, suffecti sunt; verum etiam, qui Apostolico Spiritu pleni, etiam longè post, vel proximas gentes, vel remotiores, ab Idolorū nefando cultu, ad vnius veri DEI cognitionē, & cultum, magnis animis, & laboribus adduxerunt. Sic Dionysius ille, Arcopagitarū decus, Galliarum; sic Bonifacius, Germaniæ; sic Gregorius, Angliæ Apostoli, optimo iure vocitati sunt.

Qui ea legit, quæ suprâ obiter tetigimus, reperiet, tales inter  
Leo-

Leodienses Præsules, minimè  
desiderari. Leget videlicet, S.  
Maternum, Treuironum, A-  
grippinatū, Tungrorum: Mar-  
tinum, Hasbanorum: Amādum,  
Gandensium, & remotiorum  
ultra Danubium, Populorum:  
LAMBERTVM, Taxandrorum:  
HVBERTVM Arduennatum.

MARTYRES etiam cupis?  
Habes Theodardū, LAMBER-  
TVM, Fridericum, Albertum.  
Solos Episcopos numero. Alij  
sunt multò plures. CONFESSO-  
RES si recensere aggrediar, vo-  
lumine integro sit opus. Extat  
Catalogus præcipuorum, ante  
annos aliquot editus; quem si  
lubet consule. Sunt &

VIRGINES plurimæ: inter  
eas Christina illa, verè MIRA-  
BILIS. Et, ne quis Ordo, etiam  
in hoc sexu, desit sunt etiam

VIDVAE, vt S. Amalberga,  
&

CONIVGATAE, vt S. Adela,  
mater S. Trudonis. Non omit-  
tam, quin etiam in Muliebri in-  
firmitate, robur, & constan-  
tiam indicem.

MARTYRVM. Percurre ite-  
rum Catalogum, & miraberis  
Albinã duplici Diademate ful-  
gentem, candido Virginitatis, &  
purpureo Martyrij: Beatricem  
item, eodem gemino honore  
conspicua; vt & Iustinam.  
Alias modo fileo, memor pro-  
positæ mihi breuitatis.

Sed prorsus filere non pos-  
sum, nec verò debeo, heroicam  
planè illam virtutem, & con-  
stantiam tot Virginum, & Mu-  
lierum Leodiensium, quæ in  
dirâ illâ, & barbarâ vastatione  
Ciuitatis, spectata est, & à Ia-  
cobo

CATHOLICA. 151  
cobo de Vitriaco, Cardinale,  
Authore grauissimo, descripta.  
Res ita habet.

Ante annos admodum qua-  
dringentos, cum Henricus, Co-  
mes Louaniensis, eiusque exer-  
citus, primùm Ditionem, tum  
Ciuitatem Leodiensem, depo-  
pularetur, & funditus euerteret:  
ingens fuit numerus earum fœ-  
minarum, quæ, vt virginitatem,  
& pudicitiam suam, contra fœ-  
das impurissimorum militum li-  
bidades, tuerentur, semet vel in  
coenosas cloacas, vel in fluuium  
Mosam præterlabentem. vltro  
præcipitatum irent: præoptan-  
tes, vel vndarum vorticibus hau-  
riri; vel foetore suffocari, quàm  
turpiore tætritudine maculari.  
Vidit Iesus, puritatis amator &  
probauit illum honestatis amo-  
rem. Itaque nulla, in tanto  
vitæ

vitæ discrimine, vitam amisit :  
 nullius castitatem prædones ca-  
 stitatis læserunt. Vna meretur  
 (cuius vtinam ingrata obliuio  
 nomen nobis non inuidisset!)  
 vt pulcherrimum facinus non  
 fileatur, præ quâ, Cloelia illa  
 Romana, vmbra videri possit,  
 inò nox, & somnium.

Vna igitur Virginum earum,  
 quæ æstuosis moſe fluctibus vo-  
 lentes rapiebantur; cum à solo  
 Christo, Sponſo ſuo, auxilium  
 expectaret; repente, vnde mini-  
 mè expectabat, auxilium adesse  
 vidit: ſed auxilium inſidioſum,  
 & ab eiufmodi hominibus, qui  
 ſuam libidinem explere quære-  
 rent, non eius vitam tutatum  
 irent. Duo milites ſcaphâ ve-  
 ſti ad eam nauiculantur: ipſa  
 tutores ſuos, non Virginitatis  
 latrones rata, in lembum (pira-  
 ticum

ticum illum quidem) se recipi paritur. At vbi vidit, quid moliantur; iterum ab vndoso flumine præsidium quærit. Nauiculam igitur totius corporis agitatione ipsa exagitans, tandem impacto ad saltum graui-ter pede, euertit, & seque & illos, in aquas, seruatrices suas, excutit. O Magnus Deus, puritatis Seruator, libidinis vindex! Merguntur impuri: ipsa innocens ripæ innoxia sistitur, Liberatori suo laudes, gratulabunda, cælo, & terrâ plaudentibus, decantans.

### 17. *Cura pro Mortuis.*

**H**ic, si homines tacuerint, LAPIDES CLAMABVNT. Inspiciantur, inquam, marmorea, & saxea Monumenta: &, si lubet, interrogentur. Quamuis  
muta